

《中國地方藝文薈萃》編委會 編

中國地方藝文薈萃

學苑出版社

華東卷·第十一輯

華東卷·第十一輯  
肆

中國地方藝文薈萃

《中國地方藝文薈萃》編委會 編

貴州師範學院內部使用



國朝金陵詩徵四十八卷（二）

貴州师范学院内部使用

國朝金陵詩徵四十八卷（二）

（清）朱緒曾編

據清光緒十三年（一八八七）刻本影印

國朝金陵詩徵卷八

上元朱緒曾編

余賓碩

賓碩字鴻客一字石農江甯人懷長子有丁卯集金

陵覽古詩

道光己酉金谿徐汝珩寶臣得覽古詩并王琯王瑗和詩梓而行之

田家雜興

本無諧俗姿抱影歸南畝所讀聖賢書開卷得師友織布裁  
作衣春秫釀成酒早結鄰舍歡垂老免奔走籬開灼灼花溪  
蔭垂垂柳澗水流潺湲遠山入戶牖洗盃招近屬不復計升  
斗旣醉復張目但問能飲否

同朱岳青登鍾山絕頂作

鍾山巖磔俯層霄生氣凜凜盤龍跳蜿蜒巖嶙六十里拱抱

城邑走江郊手攜朱灣登絕頂迢迢鳥道猿相引羣山破碎  
指顧中直上似與天門近大江滔滔東逝波長舸大艚浮駕  
鷺洪濤濺滴鼓迴瀾蒼黃日射金盤陀颯颯頽颯吹不已狐  
兔驚號鷹鷂起茱萸塢下草色青楊梅峴前烟光紫衡廬茅  
蔣誌山經此山巍然空觸情可憐四百八十寺更無一木棲  
神明白日踞其巔黑雲壓其下饑饉斷壑鳴哀湍壞道瀉冬  
青花發杜鵑啼廢礎豐碑荒徑亞年年清露溼瑤蕙夜夜西  
風吹石馬六代君臣已黃土倚杖徘徊夕陽路登臨不見昔  
時人吟嘯猶傳昔人句君不見江山如故事銷沈興廢由來  
不可憑前王功德後王表至今牧馬不敢上荒陵

靜明寺

過嶺尋幽寺人從樹杪行有時聞鳥語終日聽泉聲芳草無

多碧寒雲一帶橫山僧舊宮監頭白倚檐楹

舊內

元南臺遺址明太祖初爲吳王時居之

輕陰冉冉覆宮牆感歎興亡淚滿裳野鳥不堪啼舊苑居人  
猶自說高皇依稀臺殿留殘碣寂寞河山倚夕陽過客何須  
悲往事春風滿地菜花香

### 靈谷寺

南朝古寺倚巖隈百尺喬松五里栽石轉逕迴開洞壑山連  
雲斷見樓臺空聞白鹿清晨過但聽哀笳向夕來一曲寒泉  
流不盡御衣枝上月徘徊

### 鍾山

鍾山南面獨嶙峋山外諸峯列侍臣六代松楸悲故國百年  
俎豆感行人高原日日來風雨陰洞朝朝拜鬼神何事登臨

倍惆悵早鶯啼破帝城春

半山園

半山園路久荒涼丞相功名亦杳茫  
白馬幾曾祠蔣尉紫雲常自覆吳王  
頽垣亂草人烟少絕壑窮巖鳥道長  
誰爲種松千百樹秋來臥看月蒼蒼

昭明太子讀書臺

太子名高處士星空山遺事儘堪銘  
常將銀管書三傳別有巾箱貯五經  
滿地牛羊愁雨雪誰家父老鬪芝苓  
傷心一片臺前草每到春來獨自青

元武湖

荷葉凋零落日浮湖光清徹蔣山秋  
竟無林木棲風雨空有魚龍拜冕旒  
雲水氣連天地晚雁鴻聲帶古今愁  
車書舟楫

知何處寒月淒涼照野洲

燕子磯

金陵門戶大江東江上危峰接梵宮鐵鎖已沈天險失孤亭  
猶在霸圖空櫂歌漁唱風濤起野館雲林驛路通燕子不來  
春色去蕭蕭蘆荻月朦朧

木末亭

悲風夜夜起孤亭亭下祠堂晝不扃春色有情芳草綠夕陽  
無主亂山青孝陵雲氣窗中見古寺鐘聲月裏聽憑弔只今  
多少恨長歌吾亦羨鴻冥

阿育王塔

面面琉璃五色文長千古塏勢摩雲八門夜夜香花涌九級  
時時風雨聞絕頂倒看飛鳥下回頭直見眾山分松杉夾道

樓臺靜佳氣氤氳繞夕曛

棲霞寺

海日初生江氣開攝山天半擁樓臺徵君宅傍孤峰下帝子  
碑沈亂石隈衰草白雲迷曉磬秋風黃葉滿蒼苔不辭臨眺  
傷搖落詞客哀時酒一杯

龍江關

一水迢迢去不還長河古渡有司關過江舟楫綠汀渚夾岸  
樓臺擁珮環烟火暗連楓葉寺人家多住蓼花灣繁霜滿鬢  
悲蕭瑟目斷天涯萬里山

石頭城

百雉巉巖暮靄低石頭俯瞰大江西寒潮沒處傷今古春草  
生時怨別離風雨夜來龍自嘯齊梁人去鳥空啼可憐烽火

樓邊月猶自年年照鼓鼙

莫愁湖

石城頭下莫愁湖四面雲山入畫圖  
春水漲時雙槳去夕陽垂處一峰孤  
佳人自解調鸚鵡遊子偏能唱鷓鴣  
聞道南州征戰沒至今啼殺白門烏

白鷺洲

江上悠悠白鷺洲潮生潮落使人愁  
風吹荒渚孤雲起石轉驚濤落日浮  
山色自憐吳苑晚雁聲空帶塞門秋  
由來南北爭衡地渺渺烟波獨倚樓

桃花磯

堂臨絕磴倚枯藤古井蒼苔路幾層  
有客長歌思謝朓何人散髮擬孫登  
斷雲泊處聞寒磬遠樹搖時露夜燈  
若使蘇門

容我隱閒心欲似住山僧

姑塘

北由大監坊折而東逕南平侯墓度翠屏山又東五里自二老橋過河半里許兩塘相對昔有姊妹

各鑿一塘名大姑塘小姑塘鴻客有田置別墅在此

門外清潭激不流數間茅屋枕荒邱行看雲樹干峰合臥聽  
松風萬壑秋村酒就沾須盡醉田禾漸熟可忘憂何時得遂  
谿山隱但願常披五月裘

溫泉

山氣蒼蒼日夕佳如烟白氣抱丹厓漢宮眞羨魚鱗瓦秦殿  
虛傳雁齒階榆莢欲飛春寂寂桃花纔放鳥喈喈石泉陰火  
年年熾玉女曾經墮鳳釵

桃葉渡

朱樓畫閣擁晴沙錦纜牙檣照水涯市上吹簫愁楚客岸頭

沽酒就吳娃胡牀坐定風初起團扇歌成月又斜試問近來  
桃葉渡可能桃葉勝桃花

三山

江水西來日夜流三山遙控帝王州數聲鐵笛漁人宅一片  
風帆估客舟烟樹漸迷鳩鵲觀寒雲空繞鳳皇樓平生事業  
雙蓬鬢對此茫茫始欲愁

天闕

天闕雙峰削不成雲霞常向望中生香花自結珠宮出風雨  
遙來石鼓鳴巉壑有時看鳥下懸厓終日見僧行上方寂寞  
山烟起半夜惟聞鐘磬聲

獻花巖

嵯峨宮殿夕陽開搖落西風萬壑哀鐘磬參差惟待月松杉

遠近忽聞雷山僧入定巖中坐野鳥忘機掌上來欲倩丹青  
圖妙蹟寒雲終日滿高臺

雨花臺

萬壑千巖接素秋花臺落日大江流寒雲散盡孤城出清磬  
遙聞野寺幽吳楚風烟空入望齊梁宮殿正堪愁憑高欲送  
登臨目滄海茫茫一釣舟

梅岡

石子岡頭夜氣澂將軍遺廟幾人登彈棋自愛東山客說法  
曾來西域僧寂寞斷碑無一字淒涼古寺有孤燈風霜滿目  
空回首我欲逃名尙未能

東山

高臥東山四十年徵歌選伎樂林泉平生不負蒼生望功業

多從相業傳欲老衡門憂謝萬直從賭墅破苻堅賢人出處  
關天下悵望千秋思黯然

方山

盤空磴道上平巖巖上仙風舞檜杉雲表數聲聞塞雁天邊  
一點見江帆鍊丹井有硃砂字洗藥池藏黑石函欲訪葛洪  
棲隱地至今青草不曾芟

青谿

人家十里禁城陰日日青谿動晚砧九曲烟波春寂寂七橋  
樓閣夜沈沈王融作賦鶯花老伏挺傳經歲月深多少園林  
零落盡小姑祠畔客沾襟

秦淮

南國繁華古擅場長淮流水接橫塘千家簾幕烟花重五月

國朝  
笙歌羅綺香地脈豈能興漢祖天心原自厭秦皇遙知人事  
全無定日暮扁舟對夕陽

長橋

歌臺零落掩斜陽  
歷亂春風燕子忙  
我欲長吟惜芳草  
誰知結恨重垂楊  
彩雲收盡閒啼鳥  
銀燭燒殘罷晚妝  
惟有長橋橋下水  
年年猶自泛鴛鴦

周處臺

蕭寺城南鹿苑邊  
孝侯臺上草連天  
消除三害功名立  
造就孤忠日月懸  
建業邨原春牧馬  
義興祠廟夜啼鵑  
千山萬井斜陽裏  
何處花開不可憐

杏花村

名園一帶接林邨  
次第花開直到秋  
紅葉院深棲乳燕  
綠楊